

دار الفنون
مفتوح فاكولته نى مجموعى
حقوق ، اقتصاديات

صلى : ۱۱

محرم ۱۳۴۱ ايلول ۱۳۳۸، ۱۹۲۲

سنة : ۲

قانون اساسی کوره معاهدات عقدی

قانون اساسی منتهی قصور، هیئت اجرائیه خود بخود نه کی معاهده عقد
ایده پلیر، شریعی هیئتمنہ کیمرلسکسزیه عقد ایملون معاهده رک
قیمت حقوقی سی

مشروطی و انامی بر اداره ده مملکتی ذاتی قناعتلره کوره سوق و تدویز قدرتی
مفروض اولامایاجندن مقدرات مملکتی اراده ملته امثالاً اداره ایتک و داخلی
و خارجی سیاست افکار عامه به کوره استقامت و یرمک مجبوری و ارادر ؛ بین الملل
مناسباتک اداره سنه اساس اولاجق مقاولاتک مراقبه ملیه به عرضی بو مجبوریتک
بر نتیجه ضروریه سیدر . بوندن باشقه معاهده لر اکثریا متقابل فدا کاراقلر
نتیجه سیدر ؛ یکی بر مکلفیت وضع و یا بعض حقوقی قصر و نزع ایدر لر . بوسیلله ده
بونلری خود بخود عقد و اجرا خصوصند قوه اجرائیه به صلاحیت مطلقه و یریله مز .
بر ملت نامنه یا بیلان بوقیل تعهدات مجلسلری موافقت ایتد کجه البته ملتی باغلا یا ماز .
قانون اساسی ایلک شکنده « دول اجنبیه ایله معاهدات عقدی » صورت
مطلقه ده « حقوق مقدسه پادشاهی جمله سندن » عد اید یوردی . اریکه سلطنتی
ازلی وارثی حقلرک مطلقیت و قدسیتی اوزرینه قورولاش بر حکمدارک عاطفه تحدید
قدرته رضاسنی افاده ایدن بر برات مشروطیت البته بوندن ایلر یسنه کیده مزیدی .
قدرت سلطنتک هم شرعی هم عصری تلقیسنه کوره وطنداشلرک اختیار و رضاسندن
اوزکه متکاسی اولمادینی جهنله بزده ده بو قناعتک تجلی ایتدیرلدیکی کون اوزاق
ماضیرک موروثاندن اولان بو اصولک تبدیله انتظار ایتک طبیعی ایدی و او یله
اولدی . ۳۲۵ سنه سی تعدیلاتنده بو مطلق صلاحیت شوصورتله تقید ایدلدی :
« ... علی العموم معاهدات عقدی حقوق مقدسه پادشاهیدندر . انجام صلحه
و تجارت و ترک و الحاق اراضی به و تبعه عثمانیه تک حقوق اصلیه و شخصیه سنه تعلق
ایدن و دولته معارفی موجب اولان معاهداتک عقدنده مجلس عمومینک تصدیق
شرطدر . ماده ۷ »

بوايلاک تعديلات، بر حقوق اساسيه مسئلہ سی صورتہ دکل بالاخرہ تعديلی
تعديل تلقیسی ایضاح ایچون قانون اساسی انجمنک مضبطہ سندہ ده اعتراف ایندیکی
وجہله « قانون اساسی تعديلاتہ متعلق مساعی تشریعیہ ده همان اکثریتله حائز
تأثیر اولاکلش اولان اسباب حسیه » تأثیری آلتندہ « حاکمیت ملیہ نک تأیید
وترصینہ اعتنا » آرزوی مفرطی ایله یا پلش اولقلہ برابر عقد معاہدہ صلاحیتی
ہر حالده بالاتعديل براقیلامازدی . تک بر وطنداشک بیله حقوقی تحدید ایدہ مین،
تک بر فردہ خودبخود مکلفیت تحمیل ایایہ مین قوہ اجرائیہ بوسایہ ده بوتون مملکتہ
وجائب تحمیل ایتمک ، بوتون ملتک حقوقی تحدید ایایہ بیلمک قدرت مطلقہ سنہ
مالک بولنیوردی .

بو ایلاک تعديلاتدن ضوکر قانون اساسیمز وبالخاصہ یدنجی مادہ تکرار
تعديللرہ اوغرادی . لیکن عقد معاہدہ تیہ تعلق ایدن حکمنده هیچ بر تغیر واقع
اولمادی . حالوکہ مادہ نک بوکا عائد متنی نظر دقتی جلب ایدہ جک تقیصہ تی
محتویدر . مئندہ آیریجه مفدرج « مصالحہ عقدی » نک حرب اعلانیہ تردیفاً ذکر
ایدلسنہ نظراً بو ، ایلاک شکلده کی حرب و صلح اعلانی صلاحیتی صلحہ عائد
خصوصده مقید اولہ رق افادہ ایچون سوق ایدلمش کی کورینور ایسہ ده مصالحہ
و عقد تعبیرلری ایله ادای مرآمده اصابت اولمادینی ظنندہ ایم . چونکہ معاہدہ سنز
مصالحہ عقدی ممکن اولمایوب معاہدہ صلاحیہ ایسہ علی العموم معاہدات میانہ
بالطبع داخل اولدیغندن آیریجه ذکرده فائده یوقدر . اکر مصالحہ عقدنک
آیریجه ذکرندن مقصد اجرائی ہیئتہ صالح معاہدہ سی عقدی ایچون استثناء
بر مآذونیت ویرمک ایسہ - بو جهت او وقتکی جریانہ کورہ خاطرہ کلہ مملکہ
برابر کلسہ ده - صلحہ متدائر معاہدہ لڑک عقدی مجلسک مساعدہ سنہ صراحہ
تابع طوتلش اولدینی جهتله شو ذکر ایله او مقصدده تأمین اولنہ ماز . صلح
معاہدہ سی عقدندہ مجلس ویرلمش اولان صلاحیت، تخصیصاً استثناء صورتیلہ
بعدالعقد اکا اجازت ویرمکہ تنزیل ایدلمکجه « مصالحہ عقدی » « صلحہ
متدائر معاہدہ لڑک مجلس عمومینک تصدیق شرطی » ایله تألیف ایدیلہ من .
بونکلہ برابر بورادہ موضوع بحث وتدقیق ایتمک ایستہ دیکم جهت بو دکل ؛
هیچ بر مملکتک موضوعات اساسیہ سنہ اویمان قانونمزده کی تصدیق قیدیدر .

صلحہ تجارتہ ترک والحاق ازانسی بہ وتبعہ عثمانیہ نک حقوق اصلیه وشخصیه سنہ
تعلق ایدن ودولتجه مصارفی مستلزم اولان معاهداتک عقمنہ مجلس عمومینک تصدیقی
شرطی ایکی صورتہ قابل توجیه در: یا قوہ اجرائیه بوقیل معاهداتی یالکمز مذا کردیه
وامضا وقطاعی یا اذون اولوب تصدیق قوہ تشریعیہ عائددر . یا خود قوہ اجرائیه
بومعاهداتی مذا کره ایله برابر تصدیقده صلاحیتدارایسده قوہ تشریعیہ جه مساعدہ
ایدلمدن تصدیق ایله من .

برنجی صورت مجلس منحصرأ حائر سلطنت اولمادججه قابل ترویج دکدر .
حرب اعلانی معاهدات سیاسیہ وبالخاصه اتفاق معاهدہ لری عقدی صلاحیتک
صورت مطلقده قوہ اجرائیه ترک ایدلمش اولماسی مجلسه بویله بر امتیاز سلطنت
عظمتہ مساعد اولمادیگی کبی بوضورت الی دردنجی ماده نک « تنظیم اولنه حق قوانین
لایحه لری مجلس مبعوثان واعیانجه قبول اولنه رق لدی العرض تصدیق ایله اجرای
احکامه ارادہ سنیه ضرب پادشاهی تعلق ایدرایسہ دستورالعمل اولور » صراحتی ایله ده
متناظر اولاماز . دیگر طرفدن ذات حضرت پادشاهی معاهداتی یالکمز امضادکل « طرفزدن
تصدیق ایدلمشدر » عباره سبله نوشیح ایتکده وبر معاهدہ ایچون ایکی تصدیق موجود
اولامایچقدن ایکنجی سنک خلاف صلاحیت استعمال ایدلیدیکی نتیجه سنه واصل
اولمق لازم گنمکده در .

ایکنجی صورت، همان بوتون دولتله جه قبول ایدیلن طرز اساسی به موافقدر .
برده ده مقصود بو اولدیغنی کویستن دلائل یوق دکدر : ایلک تعدیلاتی وجوده
کترین قانون اساسی انجمنی اسباب موجب لایحه سنده « دول اجنبیه ایله معاهدات
عقدی فقره سی صراحت وایضاحات کافیه دن وارسته بولندیغنی وبالعموم معاهداتک
حق عقدی بلا قیدو شرط مقام سلطنه تودیع ایله حاکمیت ملیه وموازنه مشروطیت
مختل اولاجنی جهتله حقوق مقدسه سلطنت ایله حقوق مشروعه ملتی تألیف ایتک
اوزره صلح وتجارتہ وارضی ترک ومبادلہ والحاقنه عائد معاهدات ایله تبعہ عثمانیه نک
حقوق اصلیه وشخصیه سنه تعلق ایدن ودولتجه مصارفی موجب اولان معاهدہ لری
مجلس عمومینک نظر تصریح حواله ایدلمسنی مبین بر فقره علاوه سی » حقنده کویستریلن
لرؤم، تصدیق دکل تصویب قیدینه تخصیص ایدلمشدر . بونکله برابر انجمنک تکلیف
ایتدیکی ماده معدله ده بوضراحتہ رغماً بینه تصدیق کلمه سی وار .

کذلك نظامنامه داخلینك ۷۶ نجی ماده سنده « قانون اساسینك یدنجی ماده سی
موجبنجه تصدیقاری مجلس مبعوثانك مساعده سنه متوقف بولنان معاہداتك تصدیق
طلبنی متضمن لوايح قانونیه نك مجلسه تقدیمی حالنده معاہدہ نك موادی رایہ وضع
اولتہ میہ جنی کبی متنی حقنہ دہ تعدیلات تکلیف ایدیلہ من » دینیور . « تصدیقاری
مجلس مبعوثانك مساعده سنه متوقف » تعیری تصدیق مجلسه دکل قوۂ اجرائیہ
واکا مساعده نك دہ مجلسه راجع اولدیغنی کوسترمك اعتباریلہ بوخصوصده ایکی
قوتك صلاحیتی ووظیفه سنی کهای حقها ادا ایتمکده در . فقط متن قانونده تصدیق
قیدی مجلسه مضاف اولدیغنی جهتله نظامنامه عبارہ نك بوندن صوکر اسنده تصدیق
مجلسه اضافه دہ ذکره مجبور اولارق بالضروره تضاد وخرابته دوشیور .
سنه بوماده نك بشنجی فقره سنده کی « مجلس مبعوثان معاہدہ نك فلان وفلان
ماده لری حقنہ حکومتك نظر دقتنی جلب ایدہ رك تصدیق مقتضی مساعده سنی
تأخیر ایتر » صراحتی مجلسك وظیفه سی تصدیق دکل تصدیقه مساعده دن عبارت
اوله جغنی کوستر .

معاہدہ موادی نك رایہ قانونیلامامسنك ومتنی حقنہ تعدیلات دخی تکلیف
ایدیلہ مسنك ماده دہ ذکره ایسه تشریحی هیئتك ذی سلطنت اولمادیغنی تأیید ایدن
دیگر بردلیلدر . شہ سزکه مجلس تصدیق ایچون مساعده سنی ووروب ویرمه مکده
مختاردر . مساعده سنی تأخیر و حکومتك نظر دقتنی جاب ایلہ بیلیر حتی بعض مجلسلر
- مشکلاتی تولید ایتمکله برابر - بعض معاہداتك معین موادیغنی استثنای صورتیلہ
تصدیق مساعده ایتشلردر [*] لیکن بوسلاحیت تصدیق دیمك اولسه یدی قوۂ اجرائیہ
مجلسدن کچن بر معاہدہ نك بای حال امضا و تعاطیسنه مجبور اولمق لازم کلیردی .
حکومت مجلسدن تصدیقه مأذونیت الدینی بر معاہدہ بی عندالحاجه تصدیق و تعاطیدن
صر نظر یدہ بیلہ جکی کبی مجلسك رأی اولمق سزین معاہداتك تقضیه صلاحیتداردر .
تصدیق قیدینك مجلس لهنده اعماله مساعد اولمایان بو قطعی دلالتہ بالخاصه
بوتون دیگر دولتلر قوانین اساسیہ سنده انحق تصویب » موافقت ، قبوله رأی

[۳] ازجله فرانسه ۱۸۸۹ تاریخی بروکسل مقاوله سنك ۲۱ ، ۲۲ ، ۲۳ نجی
ماده لریلہ ۴۲ دن التمس برنجی به قدر اولان ماده لر بی استثنای صورتیلہ تصدیق قبول استدی
ده پانیہ اوچنجی جمهوریت سیمایی ۱۹۰۴ صحیفه ۵۱۱ - ۵۱۸

ویرمک کی قیود مندرج بولمسی ویا لکڑ مستننا زمانلرک مستننا حجازس-لرندہ
تصدیق قیدیہ تصادف ایدلمسی دها مارز بر ماهیت ویرر .

۱۸۷۵ تاریخلی فرانسه قانون اساسیسنک سکنزنجی ماده سی : رئیس جمهور معاهداتی مذاکره و تصدیق ایدر . بونلری دولتک منفعت و امنیتی مساعد اولور اولماز مجلسه بیلدیرر . صلاح معاهده لری تجارت معاهده لری دولتک مالیه سنه تعلق ایدن ویا اشخاصک حالته واجبی تملک تارنده فرانسلرک حقوق تصرفیه سنه متداثر اولان معاهده لری انجاق ایکی مجلسجه قبول votés ایدلدکن صوکره قطعی کسب ایدرلر . بر قانون ایله اولمادجه هیچ بر بر ترک ، الحاق ویا مبادله ایدیه مز . »

متحدہ امریکا ۱۷۸۷ مادہ ۲ «رئیس سہ نانک موافقتی و رأی - concente
ment et l'avis ایہ معاہدہ عقد ایڈہ بیلہ جکدر شو قدر کہ ثلاثان اعیانک اشتراکی
شرطدر .»

مکيفاً ماده ۷۲ قوه اجرائيه جه دول اجنبيه ايله يا بيلان معاهدات و مقاولاتي
تصويب approuver ايتک صلاحيتي منحصرأ سه نايه راجعدر .

بوندن اولكى قانون اساسي سنده (۱۸۷۱) انعقاد و مرعيت ايجون بو
 بى سى راتك موافقتى و رايخشتاڭك تصويى اساسلىرىنى غير طيعى وضعيتك نتيجه
 ضروريه سى اوله رق قبول ايدن المانيا، و ايمارده باييلان ۳۱ تموز ۱۹۱۹ تاريخلى
 قانون اساسي سى ۵۵ نجى ماده سنده بو صلاحيتى بوتون وسعتيله رايخشتاڭه براقدى:
 رئيس جمهور، ايمپراطورلىق حقوق دولده تشيل ايدر . ايمپراطورلىق نامنه ديكر
 دولترلله اتفاق و سائر معاهده لر عقد ايدر . حرب اعلانى و مصالحه عقدى بر
 ايمپراطورلىق قانونى ايله اولور . هر اتفاق واجبى دولترلله ايمپراطورلىق موضوعات
 قانونيه سى عائد مواد متعلق هر معاهده رايخشتاڭك موافقتنى استلزام ايدر .

اوستریا ۱۸۶۷ ماده ۶ «امپراطور سیاسی معاهده لر عقد ایدر تجارت معاهده لر
ایله احد عاقبتیه ویا افراده وجائب تحمیل ایدن سیاسی معاهده لرک نفاذی
راختنم آنک تصویبی approbation استحصاله وابسته در .

بالجیقا ۱۸۳۱ ماده ۶۸ وقرال بری وبحری قوتلره قوماندا ایدر حرب اعلان،
صلح اتفاق تجارت معاهده لری عقد ایلر . منفعت وامنیت دولت مساعد اولور

اولماز بونلری تمهیدات مناسبه علاوه سیله مجلسه بیلدیرر . تجارت معاهده لری ایله دولتی قیید و یا بلجیقایلیری فردا بند ایدن معاهده لر مجلسلرک موافقتی *assentiment* اخذ ایتدکجه حکم سزدر . بر قانون ایله اولما دقجه هیچ بریر ترک الحاق و یا مبادله ایدیه مزه .[*]

اسپانیا ۱۸۷۶ ماده ۵۵ «قرال بر قانون مخصوص ایله -۴- تجاوزی اتفاق و خصوصی تجارت معاهده لرینک ، بر اجنبی دولتک مظاهرتی تضمن ایدن معاهده لرک و فردا اسپانیولاری بر محجوریت التیه قویا بیله جک بالجمله معاهده لرک تصدیقه مأذونه *autorisé* قلمق لازمدر .

پورتکیز ۱۸۵۲ ماده ۱۰ اجنبی دولتله یا بیله جق هر معاهده ، ائتلاف و یا مقاوله قبل التصویب قور تزلرک تصدیقه *approbation* عرض ایدیه جکدر .

فلمنک ۱۸۱۵ ماده ۷ قرال دول اجنبیه ایله صلح معاهده سی و سائر معاهدات و مقاولات عقد و تصویب ایدر امنیت و منفعت دولتک مساعده سنه قائل اولنجه نه تا زده نرونک ایکی هیئته تبلیغ ایله ر . قراللغک اور واده و یا دیگر بر قطعه ده کی اراضی سی اقسا مندن برینک کرک ترکیبی کرک مبادله سی تضمن ایدن معاهده لر و یا حقوق مشروعه یه تعلق ایدن احکام و تعدیلات ، بوا حکام و تعدیلات مجلسلرجه تصویب *approuvé* ایدلدکجه قرال طرفنره تصویب ایدیه مزه .

ایتالیا ماده ۵ قرال امنیت و منفعت دولت کنديسنه مساعد اولدینی احواله تمهیدات مناسبه علاوه سیله مجلسه تبلیغ ایتک اوزره صلح اتفاق تجارت و سائر معاهده لری عقد ایدر امور مالیه اعتباریه کلفتی و یا دولتک اراضی سنجه تعدیلی مستلزم اولان معاهده لر انجاق مجلسلرک موافقتی احرار ایتدکن صوکر حائز حکمدر لر .

شو ماده لرک صراحتی قارشیسنده یدنجی ماده نک معاهدانده مجلس عمومی به بخش ایتدیکی تصدیق صلاحیتنی تصویب ماهیتنده تلقی و محتاج تصحیح عدایمک ایجاب ایدر . بویا کلش تعبیرک ماده یه نه صورتله وضع ایدلدیکنی تبیینه موفق اولامادم . فقط ایلک تعدیلاتده حاکم اولان مفرط تلقینک تصحیحی تیقن ایدیه مه مش برقیه سی عد ایتک ممکندر . فرانسه قانون اساسی سکزنجی ماده سنک نه کی انقلابات

[°] بوماده قانون اساسینک کچن سنه کی تعدیله نده ده عیناً ایفا ایدلددر .

نتیجه سنده پوشكه كادیكنی كوسترن امثال تاریخیه بو نقطه نظری تأیید ایده جك
صورته در .

سكان آلتی سه ظرفنده قانون اساسیسی بدكه اون دفعه دن زیاده دكشدیرمش
اولان فرانسه ده بویوك اختلال مطاقیت اداره نك اتقاضی اوزرنده یكی تلقیلرله یكی
بر اداره قوردینی وقف معاهدات عقدی صلاحیتی سلطنت محمولاتی میاننده منحصرأ
نفس حكمداریده مجتمع طوتان اساسی ده بالطبع زیر وزیر ایدرهك یرینه قوه اجرائیه بی
حكومت دكل ، حكومتك تمامیه مجلسك مراقبه سه تابع بر عضوی عد ایدن
وبناء علیه عقد ایده جکی بوتون معاهده لری مجلسك تصدیقه عرضه مجبور طوتان
بر شكل اختیار ایتدی . بو ۱۷۹۱ شكیدر . دوت سه صوكر قوه اجرائیه
دیركتواره تفویض اولتوركن بواساس ده قوتلندیرلدی: معاهده لر هیئت تشریعه جه
معاینه وتصدیق ایلرله مرعی اولامازلر . طقسان طقوزده یعنی اوچ قونسلوس
اداره سی زماننده بو صلاحیت دكیشیور، حكومت عادتاً هر نوع معاهدات عقدینه
مأذوندر فقط حرب اعلاقی صلح اتفاق وتجارت معاهده لری قانون کبی تکلیف ،
مذاکره وتقریر ایدیلرلر .

انقلاب کیرده دوکولن پایانسز قانلردن صوكر ارتق دیرلمزودونمزن ظن ایدیلن
مطلقیت اداره بی فرانسه، ینه انقلابك زاده ذی دهاسی اولان بر اولادی طرفندن
تأسیس ایدلمش کوردی . پارلاق ظفرلرک کوزلری قاماشدیران شمشعلری مملکتی
بالاخره بك آجی بر ظلمته قلب ایتمش اولمقله برابر هر کون یکی بر ظفرک نشوه
ابتهاجیله مهبیج اولان فرانسه ده اوزمان ناپولیونه ذاتاً اعتراض ایده جك کیسه
اولمادیقندن اوده کیف مایشاء عقد معاهده ایتدی . ناپولیونك سقوطندن صوكر
۱۸۱۴ شارتی شوشکلی قبول ایتدی :

« قرال دولتک بوجه رئیسدر قوای بریه وبجریه قوماندا ایدز محاربه اعلان
وصلح اتفاق وتجارت معاهده لری عقدایدر ، ۱۸۳۰ برات مشروطیتی عینی صراحتی
محتویدر . ایکنجی جمهوریت قانون اساسیسی معاهداتك تذکره وتصدیقی حققی ریسه
اعطا وهبیج بر معاهده نك مجلس ملیجه تصدیق ایدلمدكه قطعیت کسب ایلیمیه جکی
تصریح ایلدی . ۱۸۵۲ قانون اساسیسی بونی یکیدن تعدیل ایله ۱۸۱۴ اصوله

عودت ایله دی . ایشته بو صلاحیته استناداً اوچنچی مایویون خود بخود بر جوق معاهدات عقد ایتدی . بایک فرانسه، هیچ بر تاریخده بوقدر جوق معاهده عقد ایتمه مشدر . ایمپراطورک بوضاحت مطلقه سی علینه بعض تنقیدات سردایدلی . فقط جدی بر مستندی اولمادینی جهته محاکمه هیچ بری جای اعتبار بولمادی .

قانون اساسینک صراحتی قارشینده تردد ایدیه مزدی . محکمه تمین دائماً بویولده قرار ویردی . حتی ایمپراطور طرفندن امضا ایدلمش تجارت معاهده لرینک کمرک تعرفه لرینی تبدیل خصوصنده قانون قوتی حائز اولدینی ده قانونده مصرح اولدینی جهته، مجلسک رأی التماسجه هیچ برورکی طرح واستیفا اولته میه جفتی تبیین ایدن مادهیه استناداً، پارلمنتوجه قرالک صلاحیت عقیده سی تحدید صورتنده باییلان تشبثاته ده توسل اولته مایوردی . انجاق ۱۸۶۹ و ۱۸۷۰ سنه لرنده بوندن عدول اولنه رق کمرک و پوسته تعرفه لرینه بین الملل معاهده لرله ییلاجق تعدیللرک بر قانون مخصوص ایله مجبوری اتباع اولاجنی تبیین ایدلی .

۱۸۷۰ جمهوریتک تاسسی ایله بواصول بالطبع نهایته ایردی . فقط شیمدیکی قانون اساسینک تدوین ایدیه بیلدیکی تاریخچه قدرکی بش سنه ظرفنده سلطنت تمامیه هیئت تشریعه ده در . دوجار مخالفت و اعتراض اولقسزین مجلس ملی بومدنده بوتون امتیازات سلطنتی استعمال ایتدی . رئیس حکومت دخی کندینی بوسلطنتک برمرخصی عد ایتمکده در . اوزمان قانون اساسی انجمنی مضطه محرری «مجلسک مصروف اولدینی سلطنت حد ذاتنده ناقابل ترکدر . مجلس آرزوده ایتسه آندن انتزاع ایده مز.... رئیس دولت عین زمانده مبعوثر . بوتاریخده مثلی اولیان برنهیج استثنایدر . [*] مجلسک صلاحیتنی قصر ایدن نه وارسه چیقاردق شبهه لی نه وارسه تنویر ایتدک دیوردی . بورسمی وعلنی افاده لر وبومبادینک تطبیقی تضمن ایدن متکرر معامله لر مواجهه سنده برئانیه بیله تردد ایدیه مزکه مجلس ملی ۱۸۷۵ قانون اساسیسنه قدر مملکتی اداره ایدن حاکمدر Souverin . نته کیم موسیو تیه ری قدرت اجراییه رئیس تعیین ایدن ده قره سنده مجلس ، کندینی نفوذ سلطنتک dépositaire حامل وامینی اولارق تلقیب وموسیو تیه رک انتخاب ایده جکی ناظرلره مجلس ملینک [*] صوک المان قانون اساسیسی جمهور ریاستنک رایجشتاع اعضائی ایله قابل تألیف اولمادیغنی بالخاصه تصریح ایتشدر .

قوادی التده وظائفی ایفا ایله جکئی تصریح ایله مکده ورئیس دولته امتیازات سلطنتدن هیچ برشی ویرمه مکده در .

دول اجنبیه ایله معاهده عقدی صلاحیتک ده داخل بولدیغی بوتون وجائب سلطنت، مضبطه محررینک ده بیان ایتدیکی وجهله بو استثنائی و امثالی غیر مسبوق نهجده منحصرأ مجلس ملینک مخصوصا سندن اولدیقندن سلطنتی حازر بوجاسک تصدیقندن کچمه مش معاهدات غیر معتبر عدايدلك لازم کلیر. [۱] مجلس بوجاسک اوقدرمه صاحب ایدی که قوه اجراییه و قوه تشریعیه وظائفی تعیین ایچون تشکل ایدن اوتوزلر قومیسونی رئیس جمهورک صلاحیتلری میانسه عقد معاهدات صلاحیتنی قویماشدی. جریان احواله نظراً بوبرنسیان دکل مجلسک سلطنتی ترک ایتک ایسته میشنه بر برهان ایدی .

۱۸۷۵ ده عدلیه ناظری حکومتک تودیع ایتدیکی قانون اساسی لایحه سنک اسباب موجب سی ایضاح ایدرکن رئیس جمهورک صلاحیتلری تعداد ایدن ماده ، اجنبی دولتلرله عقد اولنه حق معاهداتک مذا کره و تصدیق صلاحیتنی محتوی دکلدی رئیسک بوجا سوده صلاحیتی مطلق اولاماز مجلسک حقوقیه تحدید و تعدیل ایدلمشدر بوقسیمی لایحه نك بدنجی ماده سیاه یا مغه چالشدق» دیمشدی فقط بوده رئیسک صلاحیتنی ارتدیرور، مجلسک ادعادن خالی قالمادیغی حقوق سلطنتدن انخلا عنی تضمن ایدیوردی. قانون اساسی انجمنی بوارادی و یاغیر قصدی سکوت ایله کچشدیریلن جهتلری توضیح ایدرک شیمدیکی شکلی وجوده کتیردی که پروفیسور زه زک ادعاسنه کوره ملوکی طرز ایله جمهوری شکل آراسنده متوسط برشکلدر. وبالخاصه «معاهداتک مجلسه امنیت و منفعت دولتک مساعد اولدیغی زمان تبلیغ ایدلمسی» مسئله سی جمهوریت نهجیه قابل تألیف دکلدر . فقط بومبائیتی تاریخ ایضاح ایدر قانون اساسی حاضر فرانسه ده جمهوریخیلرک دکل ملوکی اداره طرفدارلرینک اثریدر. بونلر فرانسه ده حکمدارلغی تأسیس ایده مینجه رئیس جمهوری تختی اولمایان برقرال یا مغه ایسته دیلر و بوسیله ا کا بوجا لایت فوق العاده بی ویردیلر . جمهوری حکومتک و انامی تأسیساتک منطقی مستلزمدر که بوجا لایت منسوخ العمل lettre morte قالسین ، [۲]

[۱] قلوته فرانسه نك عقد ایتدیکی معاهده لرك شائبه صرعبتی ۱۸۸۰ صحیفه ۱ - ۵۵

[۲] ژهز عند معاهده قدرتی ۹۱۲ صحیفه ۳۱۳ - ۳۱۹

تصدیق مرخصی طرفین تنظیم ایدلمش بر معاہدہ نک دولتیہ قبول قطعیتندن عبارت اولمانہ کورہ حد ذاتہ بر تصویب و تأییددن عبارتدر . فرنکجه مقابلی اولان ratification لاتینجه ratificareدن آئیشدر . بوده تصویب و تأییدی مفیددر . [۱]
 بوسبیلہ درکہ بر معاہدہ یوزندن مجلسک تعریضلرہ ہدف اولان باش وکیل ویا خارجیہ ناظرلری ہان دائما تصدیق ایدوب ایتہ مک مجلسک آئندہ اولدیغنی سویلرلر .
 دہا دون ، ۳ نیدان جلسہ سندہ سابق ولاحق ایکی باش وکیل و خارجیہ ناظرلی موسیو بریان و موسیو پوانقارہ مجلسک صلاحیتی بوضورتلہ تصدیق ایلہ افادہ ایلہ دیلر [۲]
 فقط بو ، ہیئت اجرائیہ طرفین قوہ تشریعیہ نک حسنی اوقشاق ایچون اختیار ایدلمش بر رشوت کلامیہ دکلہ ہان ہریردہ مجلسدن کچن معاہدات حقندہ مجلسک صلاحیتک غلط اولارق تصدیق ایلہ افادہ سی معتاد اولمانسک بر نتیجہ سیدرکہ رسمی وعلمی براستعمال عدینہ بالطبع امکان یوقدر . ماروما لیلردن بری بین الدول تعامل ، تصدیقی معاہداتہ قابلیت اجرائیہ ورن سلطنت توابعندن عد ایتہ مکدہ درکہ انامی ادارہ لرده تشریعی مجلسلرک موافقتی ایلہ رئیس دولت طرفین اجرا ایدلمسی ایجاب ایدر .

پاسقوالہ فیورہ نک « اکروعد و اجرا ایدن ، اکتساب و تدین ایلہ بن ملت ایسہ معاہداتی تصدیق دہ آکا دوشر . ہیئت اجرائیہ مذاکرانی ادارہ و مجلسک تصدیقہ عرض ایچون حسن نتیجہ ایصال ایلہ مکلف اولوق لازم کلیر » دیشنی دہ عین مہیتدہ تلقی ایتک لازم کلیر .

مبسوطات انفہدن بزده تشریعی ہیئتک قصر وظیفہ سی صورتندہ بر نتیجہ استخراج ایتک ایستہ مہ یورم . بالعکس قانون اساسیمزک معاہدات خصوصندہ قوہ

[۱] ریویہ حقوق دول مبدلری جلد ۲ صفحہ ۷۲ .

[۲] - موسیو بریان - ذاتاً عقد اولنان بو کی ائتلاف انجاق پارلمنتورک تصدیقہ حیات بولورلر . بو جهت دائما بر قید احترازی اولہرق درمیان ایدلمشدر . و کوردیکرکہ اصریق سناتوسی بعض جہتلری تعدیل ایشدر .

- موسیو پوانقارہ - واشینگٹون دہ اتخاذ اولنان مقررات پارلمنتوک نظر تصویب و تصدیقہ عرض اولہ چقدر . بحر محیطہ متعلق اولان صورت ائتلافیہ ، اصریق سناتوسنجه موسیو بریانک دیدیکی کی تعدیلات ایلہ دکل معاہدہ نک نتایجی چوق محدود بر دائرہ دہ تحدید ایدن بر قید احترازی ایلہ تصدیق ایدلی .

اجرائیہ بر اقدینی صلاحیتک وسعتدن متحاشی بم. یا لکنز نص قانون ایله هم آهنگ
اولمایان وضعی ماده نك تحلیل لفظیسی اعتباریله تثبیت ایتک ایسته دم .
شوراسنی ده علاوه ایدم که بزده تصدیق یا کلش اوله رق مجلس مبعوثانه مال ایدمش
اولدینی جهته تصدیق حاوی لایحه قانونیه لر مجلسدن « حکومت عثمانیه ایله ... بیتده
.. عنوانیله تنظیم و طرفین مرخصلری طرفدن .. ده امضا اولنان معاهده نك
امضا تعاطیسه حکومت مأذوندر » صورتنده قبول ایدلمکده ایسه ده مثلاً فرانسه
مجلس مبعوثانده « .. مقاوله نامه سنك تصدیقه و عندا اقتضا اجرا ایتدیرلمسنه رئیس
جمهور مأذوندر » دستوری قبول ایدلمشدر . بوسیله اوراده رئیسك تصدیق مجلسك
وقانونك بخش ابتدکی صلاحیتله مشاظردر . بزده ایسه مجلس یا لکنز امضا و تعاطی به
مأذونیت ویرمکه برابر طرف پادشاهیدن تصدیق ایدلمکده در .

کلم ماده نك بخش ابتدکی صلاحیتک ماهیته و بونك تدقیق نتایجنه . هیئت
اجرائیه بزده خود بخود نه کی معاهدات عقدینه صلاحیتداردر ؟ ماده بعد التعمیم
تخصیص قبول ایتسنه نظراً بزده تعداد واستثنا تحدیدی عد ایدلمك لازم ضرر سائر
دولتله قانون اساسیلرنده « علی العموم معاهدات عقدی » صورتنده بر قید تعمیمی
اولمادیقندن انلرك تعدادی تحدیدی عد ایتمهك یولنده کی مطالعلری بزده صادق
اولماز بناء علیه تعداد ایدیلنلر خارجنده قوه اجرائیه بزده هر نوع معاهدات از جمله
اتفاق ، مخادنت ، مظاهرت ، حمایه ، تأمینات دائمی ویا مسلح بیطرفلق قونسلوسلق
اعاده مجرمین معاهده لری عقدینه صورت مطلقه ده صلاحیتداردر .

اعاده مجرمین معاهده لری هر برده مجلسله ویرلمکه برابر فرانسه عدلیه ناظرینك
مجلس اعیانده دیدیکی کی برفرانسزك بر اجنبی دولتدن اعاده سی طلب ایدلمکه انك
قانون شخصیسنده هیچ بر تعدیلات اجرا ایدلیور اشخاصك حالی هیچ بر صورتله
خللدار اولمادینی جهته اعاده مجرمین معاهد لری مجالسه لازم التودیع دکلدر . فقط
همان هر برده حکومتله قانون اساسی بی با انلرك فکر لرینه فضله امثالکار کورونمك
اوزره متون قانونیه ده کی تعدادی تحدیدی دکل اخباری بر ماهیتده تلقی و اوصورتله
حرکت ایدرلر . بزده حکومتک المانیا و اوستریا ایله عقد ایدیلان معاهده لری مجلسه

همان تقدیم اتمسی یا لکز بو تلقینک دکل حکومت ایچون بویوک بر موفیقی متضمن اولالرینک ایجابی اولسه کرکدر . بونکله برابر بزده دخی قوانین مرعیه بی تعدیله انجاق قوه تشریعیه صلاحیتدار اولدیقندن ماده اساسیه مزک حکم اطلاق و تعمیمی بر طرفدن بو اصل ایله و دیگر طرفدن بوتون معاملات دولتی مراقبه تشریعییه تابع طوتان نهج ایله بالضروره تقید ایدر ؛ بنساء علیه قوانین موجوده بی تعدیل ایدن ویا تقنین ایدلمش بر اساسه ساده جه تعلق ایله دین هر هانکی بر معاهده عضو تشریعینک مداخله سنی استلزام ایله ملیدر .

بو مشکلات بزده خاص دکلدر . فرانسه ده مثلاً ۱۸۷۸ تاریخی برلین معاهده سی مجالس تشریعیه نك نظر تصویبه عرض ایدلدی . لاهی صلح قوتفرانسك مقاولاتی مجالس تشریعیه نك نظر اطلاعنه صاری کتاب ایله ایصال ایدلدی . روسیه ایله عقد ایدیلن اتفاق معاهده سی حرب عمومینک فردای اعلاننه دکین خزینه اوراقده مختوم طور دی . حتی بوکون رئیس جمهور اولان موسیومیلران ۱۸۹۸ ده مجلس مبعوثانده باش وکیل مه لیندن بونک یا لکز معاهدات موجوده احکامنه مستند صلح و قایه سی ایچون براتلافدن عبارت اولماسی حالنده المانیایه فرانسه نك مطالبنه قارشى برتأمینات دیمک اولاجغنی سرد ایتک صورتیله ده مندرجاتی حقنده ایضاحات اعطاسنی تأمین ایلیه مه مشدر . [*] بعدماعذل وناموس اوزرینه مؤسس مناسبات دولیه نك علانیت دائره سند جریانی ارزو ایدلدیکی جهته جمعیت اقوام عهدنامه سنك اون سکزنجی ماده سند آتیا عقد اولنه جق هر معاهده نامه نك کتابت دائره سنجه قید و تسجیلی و نشری و قید و تسجیل اولنجه یه قدر واجب الاجرا اولماسی تصریح ایدلدی . و بوکا بناء درکه کچن سنه لهستان یوغواسلاویا ورومانیا اراسنده عقد ایدیلان اتفاق معاهده لری نشر ایدلدی . بو صورت فعلاً تقرر ایده بیلیرسه ماده اساسیه مزک اطلاقدن متولد محاذیر بالطبع زوال پذیر اولمش عد اولنه بیلیر ایسه ده جهان حربنه رأساً امضا ایدلمش بر معاهده اتفاقیه یوزندن داخل اولدیغمزی دوشونمه مک و المانیانک یکی قانون اساسیسنده کی قیدک مبرمیتنی تسلیم ایتمه مک الده دکلدر .

بزده حکومتک خودبخود عقد ایده جکی معاهداتک اول و آخر مجلسه تبلیغ

اوله جغه دائر بر قیدده یوقدر و حکومت کندیسنه ویریلن صلاحیتی طوغریدن
طوغری به صالح معاهده لری عقدی درجه سنه قدر ایلری کوتورمشدر . ننه کیم
یونانستان و یونانستان ایله پاییلان استانبول و اتنه معاهده لری تاریخ امضاسندن
اعتباراً سرعی اولمق اوزره عقد و تصدیق نامه لریک اون بش کون طرفده تعاطیسی
شرط ایدلمشدر [*] قانون اساسی صراحی خلافتده عقد واجرا ایدیلن بو قیل ،
معاهداتک حکمی ندر ؟ برنی دهها اشاعیده کی ایضاحات کوستره جکدر . بو معاهدات
مجلسک معطل و تکرار انتخابک مشکل بولدیغی بر دورده لوندرد معاهده سی احکامی
دولت لهنه تعدیل ایتک صورتیله عقد اولنش و کشادینی متعاقب مجلسه تودیع ایدلمش
اولمقه برابر خودبخود تصدیق و اجراسی قانون اساسی صراحیله قابل تألیف دکلدر
فکر ندهیم . مجلسک در حال جلب و جمعی و تصدیقک آنک مساعده سیله ایفاسی لازم
کلردی . بر معاهدتک فائده لی اولماسی قانون اساسی صراحی خلافتده عقدی ایچون
سبب تشکیل ایله مز .

.*

« علی العموم معاهدات عقدی حقوق پادشاهیدن ، اولماسنه کوره هیئت وکلا
خودبخود معاهده عقد ایدمیلیرمی ؟ ۱۹۱۱ ده فرانسه خارجی انجمنده فاس
حقده اسپانیا ایله عقد ایدلمش اولان ۱۹۰۴ تاریخی مقاله نامه نک رئیس جمهور
طرفدن امضا ایدلمش اولوب اولمادیغی خارجی ناظرندن صورلمشدی . ناظر حکمت
حکومه استناداً جواب اعطاسندن استنکاف ایتدی . بوسکوت صریح بر ایضاحدن
جوق دهها بلیغ ایدی . اگر مقاله رئیس جمهور طرفدن ممضی بولنسه ایدی
ناظر ایجابی صورتده ایضاحات ویرمکده البته تردد ایتیه جکدی .

رئیس جمهورک مشارکتی اولمق سزین بر مقاله عقد ایدلمش اولماسی کائن لمیکن عد
اوله بیلیر ، وعواقب وخیمه تولید ایله بیلیردی . امضا ایدلمش مقالاتک یولسزلغندن
اجنبی دولته قارشی استفاده تأمینی فرانسه ده معتاد اولمادیغی جهته مطبوعات

[*] استنبول معاهده سی ماده ۲۰ : معاهده حاضره امضا ایدیلنجه در عقب موقع
اجرایه وضع اولمق و بوکا متعلق تصدیق نامه لری بولکوندن اعتباراً اون بش کون طرفده
تعاملی قلنه جکدر .

وارکان تشریعی یولمزلفه رغماً بونک اجرایی طلب ایشدیلر . بو، ملوکی نهجک جمهوری شکه انتقالک هنوز تکاملنی اتمام ایتدیکنی کوسترن برحادثه در . [*]
فرانسه ده رئیس جمهور سیاسی هیچ بر قوتی تمثیل ایتیه رک نظارک کندیسنه عرض ایله دکاری بوتون عقود همان دایماً امضا ایله دیکی حالدیه مصالح عامه نیک و بو هیانده بالخاصه سیاست خارجی نیک جریاندن خبردار ایدلمی مقتضی اولدینی جهته صرف سکلدن عبارت اولسه بیه سیاست خارجییه واقع اولان بومشارکتی بویوک سیاستلرک تهلیکلی و کیزلی ائتلافلیزه قارشی نو عماً برضمان ماهیتده کوریلر وعدم امضا صحت عقده مؤثر عد اولنورسه رئیس دولت حقوقک چوق دها واسع اولدینی مملکتلر ده انک امضاسی اولمق سزین و کلاجه بر مقاوله و یا معاهده عقد اولنه بیللمی قبوله بالطبع احتمال یوقدر . ولوکه بر صورت تألیفیه عنوانی ویرلسین و نوطه لر تعاطیلی ایله مقابل بر تمهد النسون رئیس دولتک تصدیق لازمدر . مجالس تشریعی دن کچرلمک سزین عقد ایدلمش بر معاهده نیک مرعیقی ناصل قبول ایدیه من ایهه رئیس دولتک تصدیق و امضاسی حاوی اولیان بر مقاوله ده غیر معتبر عد اولنقی ایجاب ایدر .



علی العموم معاهدات عقدی حقوق حضرت پادشاه بدن اولمسنه نظراً عقده تقدم ایدن مذا کره و تحریر و تنظیم معاهده خصوصاتی و بوکا تشبث مسئله سی هر درلو معاهده لر ایچون منحصراً قوه اجرائیهیه راجعدر . مذا کرانک موفقیتله اداره سی و حق رماننک انتخابی بر معاهده نیک انعقادی بمختند چوق مهم بر مرحله تشکیل ایدر . تشریعی هیئت قوه اجرائیه نیک بو صلاحیتیه هیچ قاوشمازی ؟ بالخاصه مجلسدن کچه جک معاهداتک مذا کراننده خارجییه انجمنی ایله تماسده بولنه رق مجلسده کی جریانه کوره مذا کرانی اداره اجرائی هیئت ایچون بر لازمه بصیرت و رویت اولمقله برابر بونی تأمین ایتیه رک صلاحیتنی صورت مطلقه ده استعماله عزم ایدن بر حکومته قارشی تشریعی قوت قدرتمز و سلاسمز دکلددر .

غاستون ژه ز دیورکه « غنعه و تعامل فرانسه ده حکومتک، سیاست خارجی نیک سوقنده واسع صلاحیتی حائز اولماسنی مستلزمدر . بو ، ملوکی ادار دین انتقال

[*] غاستون ژه ز کذا

ایدن بر اعتیاددر . فقط بلااستثنا هر معاهده ایرکج مجلسک ویناء علیه مملکتک نظر اطلاعنه عرض ایدملیدر . انامی حکومت مبادیسی بونی ایجاب ایدر . قاتی دوکن ، تقدینی فدا ایدن خلق ، امور سیاسیہ نک و خصوصیلہ خارجی سیاستک مشوراندہ حیساتی کوستره بیلملیدر . معاهداتدن معلومات ویرمک مجبوری مجلس ایستهدیکی تقدیرده معاهدهیه تقدم ایدن مذاکراتده اطلاع صلاحیتنی اقتضا ایدر . تنقید صلاحیتی داخلی ایشلر ایچون اولدینی کبی خارجی امور ایچونده مسلمدر . وبصلاحیت مذاکراتک جریانی اناسندهده استعمال اولنه بیلملیدر .

تشریعی مجلس ، انامی بر مملکتده اک بویوک اجتماعی و سیاسی قوتی تمثیل ایله دیکی جهتله مذاکرات جاریه حقنده ایضاحات ایستیه بیلیمک قدرت و صلاحیت حقوقیه سی حائزدر . بوقدرتک سؤاستعمال ایدلمه سی اییدر ؛ فقط نظارک دیپلوماسی اسرارینی افراطه وارد یردقلری ریشلیو و مازارن زمانلرینک اولتق کچمش اولدینی خاطر دن چیقار ماملری ده شایان تمیدر . فرانسه نک مقدراتی بر آدمک دهاسنه ویا کفایتسزلکنه ربط ایدلمه لیدر . مبعوثلر ، حقلی ویا حقسز اولارق پایلان مذاکراتک ملت ایچون مشئوم اولاجقنی ظن ایتدکلی تقدیرده تدقیق صلاحیتنی و وظیفه سی حائزدرلر ،

بومطالعائی ۱۹۱۲ مارتنده موسیو پوانقاره طرفدن فرانسه مجلس مبعوثاننده واقع اولان افادات اکمال ایدر : « حکومت ، سیاست خارجیہ نک اداره سی ممکن اولدینی قدر مجلسک مراقبه سنه وافکار عامه نک محاکمه سنه تودیع ایتیمک خصوصنده کندی بیاننامه سیله اخذایتدیکي تعهدی مع الممنونیه تکرار ایدر . بیلورزکه دیپلوماسی مقالولانک حقیقی دواملی قوتنی ونفوذینی وجوده کتیرن شی خلقک درین حسلرنده بولدینی اعتبار وتأییددر حکومت جمهوریه دیپلوماسی وظائفنی مملکتک آرزوسی و پارلمنتونک اراده لر یله تام بر آهنگ خالده طومتق اندیشه سی کنديسنه وطنی وقدرسی بروطفه عد ایله جکدر . »

بروفسور ژه زک مطالعائی و موسیو پوانقارده نک رسمی بیاناتی معاهداتک مذاکره وتنظیمنده اجرائی وتشریعی هیئتلرک مقابل حر تلرینه رهبرک ایدمک بویوک برقیمتی حائزدرلر . مذاکراتی طوغریدن طوغری به تشریعی هیئت اعطا ایتیمک ایستینلرده وار . بین الملل پارلمنتولر اتحادلرینک ستوی اجتماعلرنده ویا

قونفرہ لردہ یا پیلاجق مذاکراتی تسہیل انعقاد و تصدیق اعتباریہ ترویج
ایدنلرک نقطہ نظری مشوار جہان دکشمکچہ قابل تحقق کوریہ مزہ خفی معاہدات
اصولی ترک ایدیلہ بیلہ مذاکراتک دہ ہر وقت علناً جریان ایتدیرلسی قابل
اولاماز «ماہیت محرمانہ سی حسیدیلہ مکتوم و خفی اولماسی ایجاب ایدن معلوماتک
علناً اجرای مذاکرہ ایدن برہئت حضورندہ اشاعہ سی، ائتلاف پروژہ سنک در عقب
بوزلسنی انتاج و حتی مناسبت بین المللہ مؤسف بر کرکینک ایقاع ایدہ بیلیر» [۱]
یترکہ قوہ اجرائیہ، کندینہ عائد بو صلاحیتی نفع مملکت ایچون استعمال ایدرکن
نفع مملکتی تقدیردہ انحصار ادعا ایلہ مہ سین.

شوراسنی دہ قبول ایتک لازم کلیرکہ مذاکرہ صلاحیتی صرف اجرائی برماہیتدہ
اولمقلہ برابر قوہ تشریعیہ معین مادہ یہ تعلق ایدن بر قرار ایلہ او مسئلہ حقندہ
حکومتی دول اجنبیہ ایلہ مذاکرانہ دعوت و کندینسجہ اتخاذاً مناسب کوریلن
نقاطی تنویر صدندہ اشارت ایلہ بیلیر.

تشریعی ہیئتک انضمام موافقتہ لزوم کوستردیکی معاہداندہ قانون اساسی حکمدارک
بین الملل صلاحیتی الفا و یا تحدیدی ایدیور یوقہ یالکز بونلرک داخلہ مجبوری
الاتباع اولملری ایچون تشریعی عضوک اشتراکی علاوہ می ایلور؟ قانونمزک
«عقدندہ تصدیق شرطدر» تعبیریہ صلاحیت تشریعیہ بی ادا ایتسنہ نظراً بو صلاحیتی،
معاہدہ احکامنک یالکز داخلہ تطبیقی تأمین ایچون انعقاددن صوکر اکا انضمام
ایدن بر قید اجازت دکل نفس عقدک شرائط ضروریہ سندن بر عنصر ترکیبی عد
ایتمک لازم کلیر. داخلہ حکم معاہدہ نک آری بر قانون ایلہ نشر ایدلہ مکدہ
اولماسی دہ بونی مؤیددر. و ذاتاً لاباندک ادعاسی کی داخل ایلہ خارجی آیرمق،
حقوق داخلہ اعتباریہ آری و بین الملل مناسبات ایچون آری قواعد وضع ایدلسنی
ترویج ایتک تصدیقہ مساعدہ ویرلہ مسندن طولانی داخلہ تطبیق احکامہ امکان
کوریہ مین بر معاہدہ نک خارجدہ مرعیتی محافظہ ایدہ بیلہ چکی نتیجہ سنہ ایصال
ایدرکہ بونی اکثر اساتذہ حقوق رد ایدیورلر.

شو خالدہ مجلسدن کچر لمکسزین عقد ایدیلان معاہدہ لک حقوقاً قیمتی نہ در ؟
بر فکرہ کورہ معاہدہ نک صحت و مرعیتی دیمک قابلیت اجرائیہ سی دیمکدر . رئیس دولت
مجلسدن کچر لمکسزین معاہدہ سی عقد ایدہ بیلیر مجلسک اشترکی قبول و یا ردینہ منحصر در .
قبول ایدرسہ اکا قابلیت اجرائیہ سی اکسا ایدر رد ایدرسہ معاہدہ سینہ معتبر لکن غیر قابل
اجرا در . لکن فکر راجحہ کرہ معاہدہ نک صحت و اعتباری حقوقاً موجود سی دیمکدر .
قانون اساسنک تعداد ایہ دیک معاہدہ لردہ مجلسک تصویبی او قدر الزمدر کہ حکمدار بونی
استحصال ایتکسزین نتیجہ حقوقیہ حاصل ایدہ بیلہ جک بر معاہدہ عقد ایدہ مزہ .
ایدرسہ بالکز غیر قابل اجرا دکل باطلدر . رئیس دولہ عقد معاہدہ خصوصندہ
خارجہ قارشی صلاحیت قطعہ اعطا و انجاق معاہدہ نک داخلہ اجرای احکامی
ایچون دیگر موضوعات داخلہ شرائطہ توفیق معاملہ ایدلسنی ایستہین لاباندہ کرک
حقوق عامہہ کرک حقوق خصوصہہ . حقوقک بر قاعدہ عمومہہ سیدر کہ وکیل
کندینہ ویرلش اولان صلاحیت داخلندہ حرکت ایتدجہ عقودی مؤکلی حقندہ
نافذ اولماز . دولت نامنہ معاہدہ عقدینہ مؤکل اولان عضودہ قانون اساسی ایہ
کندینہ ویرلش اولان صلاحیت داخلندہ حرکت ایتش اولمادجہ عقودی قانون
قوتی اکتساب ایدہ میہ جکندن حکمدار قانون اساسنک مجلس تشریعینک انضمام
موافقتی شرطیہ تقید ایتدیک صلاحیتنی تجاوز و خود بخود معاہدہ عقد ایدرسہ
بوعقودک کاٹن لم یکن و باطل عد ایدلسنی لازم کلیر » دیور [۱]

قاررہ دومالبرغ یه لینسکدن نقل ایتدیک بیانات ایہ بوبجی دها اینی تنویر ایدیور:
خارجده دولتک ممثی اولمق اعتباریہ رئیس دولتک قطعی صورتدہ عقد ایدہ بیلہ جکی
معاہدات قانون اساسی موجبجہ خود بخود عقدینہ صلاحیتدار اولدینی مساواتہ
مقصوددر . اگر معاہدہ مادہ لرینک اجراسی ہیئت تشریعہ نک انضمام موافقتہ وابستہ
ایہ بونلری مذاکرہ و تقریر صلاحیتنی حائز اولان حکمدارک حقوقاً صرف بو
صلاحیتہ مبنی دولتی دول اجنبیہ یه قارشی تعہدات التہ قویا بیلیمسی صلاحیتنی دہ
حائز اولابیلہ جکی ادعا ایدیلہ مز حکمدار طرفندن بوبایدہ اجنبی حکمدار لرینہ قارشی
یا بلش اولان وعدک انجاق شرطہ معلق بر قیمتی وارددر . و حکمی بو شرط انفساخی یه ،

مجلسلرك معاهده يي تصويب ايله جككري شرطنك تحققة منوطدر . رئيس دولتك ، خارجه قارشى دولتي تعهدالته قويايلىمى ايچون ، تصديق ايتديكى معاهده ايله داخلده اجرا ايله جك عضولره قارشى عين صلاحيتي حازر اولماسى لازمدر . بناءً عليه معاهده داخلده معتبر دكلسه بين المللده مرعى اولاماز . خارجه قارشى سبق ايتمش بروعده واردر حالبوكه داخلده دوات عضولرينه قارشى اويله بروعده يوقدر ادعاسى وحدت دولتي ييقان بر ادعادر كه هيچ بر فائده مى اولاماز . رئيس دولت خارجه قارشى دواتي تمثيل صلاحيتي وانك نامنه معاهده عقد ايتك قدرتي منحصر آقانون اساسيدن آلايني جهتله قانون اساسينك مساءسى خارجنده واقع اولاجق تصرفاتي بالطبع مرعى اولاماز . [۱]

براديه فوده رده عين فيكرده در : بوقيل معاهدات رئيس طرفندن تصديق ايدلمش اولسه بيله قانون اساسى موجبجه رئيس تصديقه صلاحيتدار اولمايني جهتله اكتساب مرعيت ايله ميه جككردن فرانسز ملتي بو معاهداتي اجرا ايله مكلف طوتيلاماز وبونلردن مسؤل ايديله مز . تصديق ايله جك رئيس جمهور صلاحيتدار مرجعلرك تاييد نهائيسى استحصال ايله مكى اھال ايتمه مليدر . لكن ملتدن هيچ برشى طالب ايديله مز . چونكه رئيس دولت انجاق ، مملكتي حقوق عامه سنك قيود احترازيه سى وتحديدلري داخلنده تمثيل ايله مكفدر . [۲]

لكن بو حالده اخر دولت تصديقك معتبر اولوب اولمايني تدقيقه صلاحيتدار ايدلمش اولمايه ققمى ؟ خير . قانون اساسى حكمنه كوره رئيس دولت بو يولده كي معاهده لري مجلسك تصويبندن كچيرمدجكه عقده صلاحيتدار اولمايغندن ذاتاً بو قيل معاهده لري خود بخود تصديق ايله مز . وبناءً عليه اجنيدلر ايچون باييلان تصديقك خلاف قانون اولوب اولمايني تدقيقه محل قالماز . [۳] شوقدر كه رئيس دولت معاهده يي كندى صلاحيتنه داخل مواده عايدتي اطمينانيله تصديق ايتمش وبالاخره مجلس بوكا وضع يد ايله مش بوانورسه معاهدنك بين الملل مرعيتي خللدار اولاجيني قبول ايتك ضروريدير .

رئيس دولت صلاحيتي اولمايان بر معاهده يي مجلسدن كچير مكسزين عقد و تصديق

[۱] قارره دومالبرغ دولت نظريه عموميه سى ۱۹۲۰ . برنجي جلد ۵۳۷ - ۵۴۰

[۲] براديه فوده رده ايكنجى جلد

[۳] قارره دومالبرغ كذا

ایتمش ایسه بوبابده سرد اعتراض مجالس تشریعیه عائد اولارق تصرفات سلطنتدن اولوق اعتبارله محاکمه علیه مراجعت جائز دکل ایسه ده قلوبه به کوره قانون اساسینک تعیین ایتدیکی شرائطی محتوی اولیان بر معاهده نك بطلانی قوه تشریعیه نك اعلانه وابسته دکلدر . بر معاهده نك صحت واعتبارنده کی قصور و خطا قانون ایچون اولدیکی کی، حقوقاً، مداخله تشریعیه خارجنده حاصلدر . رئیس جمهور تبعه نك ماله ویا حاله تعلق ایدن برده قره اسطار ایتمش اولسه قانون طاسلاخی بویه بر امرک بطلانی محتاج اعلان دکلدر . محاکم اکا استناداً واقع اولان مدعیاتی قانون اساسی به استناداً رد ایتلیدر لر . ملتک رضاسی خلافتده عقد ایدلمش اولان معاهده لر ایچون ده عین شی نه ایچون یا پلاسون ؟ . نه کیم امریکا محاکمک رئیس جمهور سناتونک ثلثان اکثریتی قراری اولمادقجه عقد معاهده ایدمه جکندن بوش شرط خارجنده واقع اولاجق تعهداتک هیچ بر قیمت حقوقیه سی اولمادیقنه متدائر متعدد قرارلری وارددر .

بین الملل وجائب ایله حقوق داخلیه نك مراعاتی مستلزم بولندیکی شرائط اراسنده اختلاف تولید ایتمه مک قوه اجرائیه ایچون حقوقی بر وظیفه دیمک اولدیغندن تشریعی ساحه به تماس ایدن بوتون معاهده لرک مجلس تشریعی نك تصویبیه اقراران ایتدکجه تصدیقنه حکومتجه توسل اولنماسی بر لازمه بصیرتدر . حتی حقوق داخلیه نك استلزام ایتدیکی احوالده بیله اسباب سیاسیه دن طولانی موافقت تشریعیه به مراجعت اولنماسی موافقدر و معاهداتک عقدندن صوکر ا دکلدها اول مجلسه مراجعت ایله اخذ صلاحیت و مآذونیت ایدلمیدر . بو خصوصده اجرائی و تشریعی هیئت لرك وطنی و یوکسک اشتراک مساعیرلی ملتک مقدراتی اللریته تودیع ایتدیکی کیمسه لرك نفوذ و صلاحیتندن ، کیاست و بلاقلرندن ، تجربه و قوفلرندن لایقيله استفاده امکافی تأمین ایدمه بیله جکی جهته اک زیاده نمی ایدیه جک شکلدر .

مجموعه سی

حقوق دول مدرسی



۱۳۵۰ - ۱۳۵۱

۱۳۵۱ - ۱۳۵۲

۱۳۵۲ - ۱۳۵۳